

Halumaittumik munarijauningit qaujiharningit

Huna halumaittut munarijaununut qaujiharningit aturnaqqat Iqaluktuuttiaq iluani?

Tuhagakhaujut

- Nunamiuqatigiit haffumani Kanata'p unguhuktunut qulvahiktumi nunaliit ihuaqhiyumajangit haffumani halumaittumik munarijauningit uuktuutigijangit naiglijahumajullu ukpiruutait haffumani uqhurjuakhat kigligutaanit ikummadjutitigut avatikhait.
- Pujuum Anialailaقتها pujut anianiit, qirnariktut puyut uvannat uqhurjuakhat atuqtangit, unalu avatikhanut hururningit uvannat avatingnut tatahimajut nunat iliuraqhimajut angmaumajunut ikulahimajut ihuittumik ihuilaalaqijangit kitunuliqaak aanniaqtailinirnut halumaittumik nunat niqinut avatiqatigiit.
- UKIUQTAQTUQ qaujiaqhimajut amihunit halumaittumik munarijaunut unalu halumaittuq-uvunga-ikummatitigut kiuviniiit. Una qaujijamangit tamatkiumajaat ikajuutauvluni aahiit qulvahiktumi ikajuutikhangit aallat nunaliit ihumagijaujut halumajumik ikummatitigut inikhautikhangit.



Qaritaujakkuuqhimajut Nunalingnit Pivikhait (ACS150)

ACS150 kititiqhimajut qaujiharniit hivumuarutijaat katilviuvluni qaritaujaliginirnut pijumajainnit haffumani 150-inuit nunalingni iluaniittumi malruk tarjukkut havigaliit. Qaujiharniit ilahimajaujut taimaa halumaittut hunavaluit iluanunngaqhugit kinguanut unalu halumajuq imaq, uunnaqutikhat, unalu ikummaliqinirnut nauhimajut hilataanirmijut. Una qaujiharniq ilitturnaqhuni kivgautihimajaat Iqaluktuuttiarmi uvani 2014 mi, havaqatigivlugit Aturnaqtuq Pivallianiq Qaujiharniq Kanata.

Halumaittut qurluaqhimajut qaujiharningit

Halumaittut nalunaijaujut haffumani Iqaluktuuttiaq nuna hauhimajuq iniqhimajuq ihumaliuqhugit nalaumajumik halumaittut-uvunga-ikummaliumnaqtuq qaujiharniq nunalingni. Una havaaq iniqhimajaujuq parnautigivluniuk ukunannat Concordia Ilinniarvigjuangat Havagviata Imarnut, Ikummaliqiniq unalu Aturaaqtakhanut Pivikhait. Uvani 2016 mi, havaktit uvannat Haamatat, unalu Ilinniarjuarniq Taaktiujumajuq taidjutta PhD ilihatuq Nathan Curry, haliqhuniuk malrurnik Santiqhiivluni 725 kilukulaat (1600 uqumaidjutilik) iqqakuut. Nunalingni katimavlutik uvani Inirniit Qalgianit Katimaviani iniqhutik hannaijariiqhimajumik unipkaaliuqhutik haffumani iqqakuutitigut munaqhainiq. Kiudjutaujut takunnaqhuni hamna nunaliit ikajuutigilaaqqauk uvannat iqqakuutaunikkut ilihautikhangit haffumani niqinut igitauhimajut unalu atuqtauffaarnaqtut ilihautikhait haffumani alilaaqtut qijuqutikhat, palaastiit, imigat ilulingit.

Havaatigut hivuliqtuujut: Rob Cooke, Ukiuqtaqtumi Qaujijamangit Kanata (POLAR), info@polar.gc.ca



Ikulahimajuq iqqakuutit uvani Iqaluktuuttiaq nunap iluani. Ikulavagaat taimaa iqqaqpaagaat amihunut unguhiktumi nunaliit: POLAR




Qanilruanit Nipiliuqhimajut Kaasiliqutitigut Pivikhat (MAGS)

Kiuviniiit haffumani igijauhijamajut nalunaijainiq uvannat, POLAR parnautigijaat ukunannat Kanatamiunut iqqakuutingit-uvunga-ikummautigilaarniq qaujiharniq ilaliutigijangit, Terragon Environmental Technologies Inc., ihivriuhimagiangani ilittuqhailutigli Qanilruanit Nipiliuqhimajut Kaasiliqutitigut MAGS nunalingi Iqaluktuuttiaq iluani. Terragon aulattittivluniuk aullaqtiqhugulu pivikhangit hivunigiinnaqhugu ilihautikhangit uvunga malruk aulapkaajit nunalingnit.

Hamna havaaq aulattittijut kititiqhimajangit agjaqhijut iqqakuut hunavaluit iluanut malruk iluliangit. Iqqakuut ikulahimajut ahiruqhutik imaatut agjannguhuni unalu ihinga ilaqaqhuni imaliulaqtuq unalu ilaurutinit ihrnit (kaasiliq: ikulannaqtut). Ikulannaqtut kaasiliq atuqtauvaktut ikulalaaqtuq piliriakhanut. Tamaat hivunigijakhaat haffumani havaanut ihivriuhigiami hamna Qanilruanit Nipiliuqhimajut Kaasiliqutitigut MAGS qaujiharniq qanurilulaaqqa, maniliurnaqqqa, aulattittinnaqqqa uvani unghaktumi qulvahiktumi nunalingni.

Qaujiharniq ihivriurningit

Hamna Qanilruanit Nipiliuqhimajut Kaasiliqutitigut MAGS ilitturvikhangit aullaqtiqhuni Iqaluktuuttiarmi, POLAR aulattittiji Matt Wallace ihivriuqtaat aallatqiingujut maniliurnaqtut angmaumajut iqqakuutaujut-uvunga-ikummalinqinirnut qaujiharniit. Una ilagijaat ikulajunit-utiqtittiniq qaujiharningit uuminngalu qanuq tutqiqhimajut aallanngutiriami iqqakuut hunavaluit nakuunngittumik pijumajaujut hanaliurutikhanut pivikhangit uuminngaluuniit apqutinut qaangagut minguitikhangit – pivikhangit aturluarnaqtut unghaktumi qulvahiktumi nunaliit. Kinguani tukiqattiarnaqtumik qaujiaqhutik, Wallace kiutquijangit ajurnaittumik havaarilugit ikulahimangingit ukuninngat kihiani uunaqutitigut himmautauluni taimaa pilihaaqhimalutik haffumani unghaktumut nunalingni iqqakuutitigut – uvunga –ikummalinqiniq pivikhaq.



(haumikhia): Malikhugu iqqaqhimajunut naunaijainiq qaujiharniq, pingahuat haffumannat Iqaluktuuttiaq iqqakuutingit niqinut igijauhijamajut. Alilaaqtuq qijuqutikhaq alilajuillu tamatkiumalaaqtaat aahiit pingahuanit, Nalunaijajaa una Nathan Curry. (akullirmi taliqpianilu): Utqiagvik TOS Havaktavlutik: Matt Wallace.

Ikulalaaqtunut pivikhat uunaqutitigut utiqtittijangit

Nautkaqhimajangit ukunannat Dynamis Energy, una Uunavjaktumik Ahirulaaqtumik Pivikhangit (TOS) nakuuqpiqtumik aulattittijangit ukunannat North Slope Borough uvani Utqiagvik, Alaska. POLAR unalu Haamatat havaktangit aullaqhimajut Alaskamut takujaqtuivlutik hamna TOS katimaqatigivluniuk kampaningit unalu boroughmiuttat kivgaqtuijit. Taimaa nunguani hamna havaaq katilviulaaqtangit hamna iqqakuutitigut munaqhainiq kiudjuhiat haffumani Iqaluktuuttiarmiut.

Kihiani amihuuningit haffumani Utqiagvik angitqijavuluni Iqaluktuuttiarmiut, aadjigiikhunilu malruk nunaliit ikajuqtauhimajut atuqhugillu haffumani TOS Nunavut iluani. Utqiagvik najugaat uvaniittuq tununngani haffumani Ukiuqtaqtumi Avvautaanit Nunaqaqaarmiutavlutigli inuit amihuuningit (haffuminngatut, avatquttumik 60 avvautaatigut nunamiuqatigiit Iñupiat). Iqaluktuuttiarmiut, Utqiagvik qaajurnaqtumik nunaqaqhutik, tarjkkut umiaqtuqtunit agjaqtavakhutik piqutikhainit, anguniaqpakhutik anngutikhainit niqikhaqhiujuktut. Aadjikkutavjaktumik ikajuutavuluni ihivriurahuariangani pivikhangit tikilviulaarumik pijumajainnit Iqaluktuuttiarmiunut hapkuangujut Utqiagvik unalu Iqaluktuuttiaq aadjigiiktumik iqqakuutaujuktut ilitquhingit.

Hamna TOS uvani Utqiagvik hivitujumik naiglijauhijamajut iqqakuutitigut nunap iluani. Nautkaivakhutik halumajumik anialalaqutingit unalu ikulataaqhimajut arjangit. Pivikhaittuq, kihiani, taimaa tamatkiumajangit atuqhutik uunaqutikhanut uuminngaluuniit imalingnit ilulilik nauhimajainnit, taimaa naigililaaqtut hamna maniliurjuaqpagaat uqhurjuarnut. Nunamiungat Iqaluktuuttiaq taja qiniqiahimmaaqutut manikhainit iliuraigiami hamna TOS aturumajangillu iqqakuutit uunaqutingit uunaqutitikhainit uuminngaluuniit ihrnut anianilaqutingat. POLAR unalu Haamatat tamarmik pijumajaat ihumagijaujut atuqhimalugit hiaminnaittumik kaasiliirnit ikummatitikhant uunaqutikhainit.

